

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquut:

- 1. Nunaqarfinni tunitsiveqarnikkut ajornartorsiuteqarfiusuni, immikkut taallugu Ikerasaarsuk, qerinasuartitsivinnik qerititsivinnilluunniit pilersitsisinnaaneq Naalackersuisunit piviusunngortinniarneqarsinnaavaa?**
- 2. Nunaqarfinni aalisakkanut toqqorsiviit tunitsiviit qassit maannamut nutarterneqarlutillu pilersinneqarsimappat?**
- 3. Apeqquutigineqartunut (1-2) tunngatillugu allamik attuumassutilimmi Naalackersuisut ilassutissaqarpat?**

(Inatsisartuni ilaasortaq Anthon Frederiksen, Partii Naleraq)

Tunngavilersuut:

Nunaqarfinni tunitsiverarniarnikkut ajortorsiuteqartarnerit pillugit naalackersuisut siusinnerusukut apeqquutinut taamaattunut tunngatillug ilaatigut imannak akissuteqarput:

“Royal Greenlandip illoqarfinni nunaqarfinnilu tunitsiviit toqqorsiviillu ingerlaavartumik annertusarlugillu nutartertarpai. Pisuussutit uummassusillit nunatsinni najugaqarfinni ataasiakkaani iluaqutigineqartussanngorlugit atorluarnissaat periarfissaqarnerisq nalilersorneqareeraangat naleqqussaanerit ingerlanneqartarput.”

Maannamut suli nunaqarfiit ilaanni soorlu assersuutigalugu Ikerasaarsummi aalisartut silap ajortarnera, taq sikullu pissutigalugit Kangaatsiamut, tunitsiveqarfimmut qaninnerpaamut tunisiartorsinnaanatik pisatik aningaasarsiutigisinnaangilaat. Tassa nunaqarfimmini pisaminnik tunisinissamut periarfissaqannginnamik, naak qerititsivimmik qerinasuartitsivimmilluunniit nunaqarfimmini peqaraluarpat pisaminnik annerusumik ajornartorsioratik tunisisinnaanerat periarfissaqarsinnaangaluarmat.

Pissutsit taamaannerat akuersaarneqarsinnaangilaq, taamaattumik paaserusuppara, ilumut Naalackersuisut aalisartunut tunitsiveqarnikkut aaqqiissutissanik suliaqarnerisut?



Apeqqutit ullut suliffiit qulit (10) qaangiutsinnagit akineqarnissaat kissaatigaara.